

法苑珠林卷第五十八

書八

大唐上都西明寺沙門釋道世字玄暉撰

謀謗第六十七 此有五部

述意部 呪咀部 誹謗部

避譏部 宿部

述意部第一 夫心者眾病之源 口者臧否

之本同出異名禍福殊派故知身口三業無非構禍之因眼耳六情悉為招豐之首致使謀謗聖凡枉壓良善橫受三根長辭七眾但死生有命富貴由業縱加鳩毒毒不能傷異道興謀謀不能害徒起謗心虛施禱祀故班婕妤云修善尚不蒙福為邪欲以何望若鬼神有知不受佞邪之訴若其無知訴之何益良由雪山之藥真偽頗辯庵羅之果生熟難分故如來在世尚不免謗况今是凡豈逃斯債債是宿殃時來須受此亦已事何得恨他然虛謗之罪自加塗炭如唇口是弓心慮如絃音聲如箭長夜空發徒染身口特須自省緘

口慎心也 呪咀部第二

如大方廣持經云佛言善男子佛滅度後若有法師善隨樂欲為人說法能令菩薩學大乘者及諸大眾有發一毛歡喜之心乃至暫下一滴淚者當知皆是佛之神力若有愚人實非菩薩假稱菩薩謗真菩薩及所行法復作是言彼何所知彼何所解若彼此和合則能住持流通我法若彼此違諍則正法不行此謗法之人極大罪業墮三惡道難可出離若有愚人於佛所說而不信受雖復讀誦千部大乘為人解說獲得四禪以謗他故七十劫中受大苦惱況彼愚人實無所知而自貢高乃至誹謗一四句偈當知是業定墮地獄永不見佛以惡眼視發菩提心人故得無眼報以惡口謗發菩提心人故得無舌報又賢愚經云昔佛在世時有微妙比丘尼得阿羅漢果與諸尼眾自說往昔所造善惡業行果報告尼眾曰乃往過去有一長者其家

巨富唯無子息更取小婦夫甚愛念後生一男夫婦敬重視之無厭大婦心妬私自念言此兒若大當攝家業我唐勤苦聚積何益不如煞之取鐵針刺兒顛上後遂命終小婦疑是大婦煞即便語言汝煞我子大婦尔時謂無罪福反報之殃即與呪誓若煞汝子使我

書卷五十六

世世夫為蛇螫所生兒子水漂狼啖自食子肉身現生理父母居家失火而死作是誓已後時命終緣煞兒故隨於地獄受苦無量地獄罪畢得生人中為梵志女年漸長大適娶夫家產生一子後復懷妊月滿欲產夫婦相將向父母舍至於中路腹痛遂產夜宿樹下夫時別卧前所呪誓今悉受之時有毒蛇螫煞其夫婦見夫死即便悶絕後乃得蘇至曉天明便取大兒著於肩上小者抱之涕泣進路路有一河深而且廣即留大兒著於此岸先抱小者渡著彼岸還迎大兒兒見母來入水趣母水即漂去母尋追之力不能救須臾

之間俄尔沒死還趣小兒狼來啖訖但見流血狼藉在地母時斷絕良久乃蘇遂前進路逢一梵志是父親友即向梵志具陳辛苦梵志憐愍相對啼哭尋問家中平安以不梵志答言父母眷屬大小近日失火一時死盡聞之懊惱死而復蘇梵志將歸供給如女後復適娶妊身欲產夫外飲酒日暮乃還婦暗閉門在內獨坐須臾婦產夫在門喚婦產未竟無人往開夫破門入捉婦執打婦陳產意夫瞋怒尋取兒煞以蘇煮之逼婦令食婦食子後心中酸結自惟薄福乃值斯人便棄逃走到波羅柰國至一園中樹下坐息有長者子其婦新死日來冢上追戀啼哭見此女人樹下獨坐即便問之遂為夫婦經於數日夫忽壽終時彼國法若其生時夫婦相愛夫死之時合婦生理時有群賊來開其冢賊帥見婦面首端正即納為婦經於數旬夫破他冢為主所煞賊伴將屍來付其婦復共生理經於三

書卷五十八

三

日狐狼開冢因而得出自剋責言宿有何罪旬日之間遭斯禍厄死而復蘇今何所歸得全餘命聞釋迦佛在祇桓中即往佛所求哀出家由於過去施辟支佛食發願力故今得值佛出家修道得阿羅漢達知先世煞生之業所作咒誓墮於地獄現在辛酸受斯惡報無相代者微妙自說昔大婦者今我身是雖得羅漢恒熱鐵針從頂上入足下而出晝夜患此無復堪忍殃禍如是終無朽敗 又舊譬喻經云佛在卅時有一大姓常好惠施後生一男無有手足形體似魚名曰魚身父母終亡襲持家業寢卧室內人無見者時有力士向王厨食恒懷飢乏獨牽十六車樵賣以自給身又常不供魚身請與相見示其形體力士自惟我力乃尔不如無乎足人往到佛所問其所疑佛言昔迦葉佛時魚身與此王共飯佛汝時貧窮助其馭使魚身所具與王行之而謂王言今日有務不得俱行若行無

異斷我手足時行者今王是也不行言者魚身是也時佐助者汝身是也力士意悟即作沙門得阿羅漢道 又百緣經云佛在卅時舍衛城中有一長者財寶無量不可稱計其婦產一男兒无無有手產便能語作是唱言今此手者甚為難得深生愛惜父母恠之因為立字名曰无手年漸長大見佛聞法得須陀洹果求佛出家佛告善來鬚髮自落法服着身便成沙門精勤修習得阿羅漢果諸天世人所見敬仰時諸比丘請佛說本因緣佛告比丘此賢劫中迦葉佛時有二比丘一是羅漢二是凡夫為說法師時諸民衆竟共請喚常將法師受檀越請後於一日法師不在將餘者行瞋恚罵言我常為汝給使今將餘者共行自今以往更為汝使令我無手作是語已各自辭退止不共行以是業緣五百世中受是果報是故唱言今此手者甚為難得由於彼時供給聖人故今得值我出家得道

書 朱林五十八 四

比丘聞已歡喜奉行 又百緣經云佛在王舍城迦蘭陀竹林中時尊者那羅達多着衣持鉢入城乞食還歸本處遙見祇桓赤如血色恠其所以尋即往看見一餓鬼飢肉消盡支節骨立一日一夜生五百子羸瘦羸劣氣力乏少當生之時荒悶殞絕支節解散極為飢渴之所逼切隨生隨噉終無飽足時那羅達多便前問言汝造何業今獲斯報餓鬼答曰汝今可自問佛世尊當為汝說時那羅達多尋往佛所具問斯報佛告那羅達多云此賢劫中波羅奈國有一長者金銀珍寶奴婢僕使象馬牛羊不可稱計唯一夫人無有子息禱祀神祇求索有子了不能得時彼長者即便更取族姓家女未久之間便覺有身其大夫人見其有身便生嫉妬密與毒藥令彼隨胎姊妹眷屬即詣其所與彼大婦極其鬪諍遂相打捧問其虛實其大婦者止欲道實恐其交死止欲不道苦痛已言逼切得急而

書

朱林五八

五

作呪詛若我真實墮汝胎者令我捨身生餓鬼中一日一夜生五百子生已隨噉終不飽足作是誓已尋即放去佛告那羅達多欲知彼時其大婦者今餓鬼是佛說是時諸比丘等皆捨惡心得四沙門果有發無上菩提心者歡喜奉行 又法句喻經云琉璃王受佞臣阿薩陀等奸謀昇殿遂將兵就祇桓不得還宮與王官屬戰王與夫人夜至王舍城國中道飢餓噉蘆葍根腹脹而薨於是琉璃王拔劍入東宮斫煞兄祇祇知無常心不恐懼命未斷間空中自然音樂迎其魂神琉璃王復由誅釋種佛記及太史記却後七日當為地獄火所燒煞 又入大乘論堅意菩薩說偈云 誹謗大乘法 決定趣惡道 焚燒甚苦痛 業報罪信介 若從地獄出 復受餘惡報 諸根常缺陋 永不聞法音 設使得聞者 復生於謗法 以謗法因緣 還墮於地獄 謗法衆生聞如是說於大乘中便生疑心如

尊者提婆所說偈 薄福之人 不生於疑
能生疑者 必破諸有大悲紛陀利經偈云
衆生老病死 沉沒愛流海 處在三界獄
衆苦受結縛 飲血毒相害 無始被燒煮
癡盲失善道 不能見正路 生死愚暗重
皆由著邪見 旋迴五道中 辟如車輪轉
誹謗部第三 如發覺淨心經云時有六十
初發心菩薩共到佛所五體投地禮佛足已
於地未起悲啼兩淚向佛合掌而作是言善
哉世尊我等業障願分別說令我等輩自清
淨心勿復更造佛告彼菩薩言諸善男子汝
等過去於拘留孫如來教中出家學道既出
家已任於禁戒於戒放逸任於多聞於多聞
放逸於頭陀功德皆悉損減於時有二法師
比丘汝於彼所誹謗媯欲爲多利養名聞因
緣於彼親友施主之家嫉妬慳貪於二法師
所親友擅越汝復破懷離散兩舌毀辱令生
疑惑不生信心信不具足說非善事時二法

書

六

師所有衆生心生敬信隨順之者令彼等輩
斷諸善根作諸障礙汝等以此業障礙故遂
於六十二百千歲墮於阿鼻大地獄中復於
四萬歲墮於活地獄中復於二萬歲中墮黑
繩地獄復於八百千歲墮熱地獄復於彼處
捨命已後還得人身於五百世中生盲無目
以業障故所生之處一切暗鈍忘失本心善
根閉塞少於威力衆皆捨棄恒被欺凌爲人
憎惡毀訾誹謗常生邊地貧賤之處下種姓
家少利養少名聞不爲他人恭敬供養亦不
尊重人所不喜衆所厭惡汝等從此捨身命
已於後五百歲中正法滅時還生於惡國惡
人之處下種姓家貧窮下賤被他誹謗忘失
本心所作善根常有障礙雖暫遇明還被翳
暗汝等於彼五百歲後一切業障亦乃滅盡
於後得生阿彌陀國極樂世界時彼如來方
授汝等阿耨菩提記 今時六十菩薩既聞
此已捫淚恐怖毛豎而作是言我等從今若

生瞋恚過失而更造業障我等今日於世尊前皆悉懺悔於世尊所立大誓願於一切所不起諸過尔時世尊讚彼六十菩薩言汝等發覺善作是願當盡一切業障當得善根清淨尔時世尊而說偈言

莫於他邊見過失

勿說他人是與非

不著他家淨活命

諸所惡言當棄捨

棄捨眾鬧極遠離

無法比丘勿親近

當修蘭若佛所讚

不著利故得涅槃

又涅槃經云佛在世時瞻波城中有大長者無有繼嗣共事六師請求子息於後不久其婦懷妊長者知已往六師所問言為男為女

六師答言生必是女長者愁惱復有知識語長者言先不聞優樓迦葉兄弟為誰弟子六師若是一切智者迦葉何故捨之從佛又舍利弗目犍連及頻婆娑羅王并諸王夫人未利夫人諸國大長者如須達等如是諸人皆佛弟子如來世尊於一切法知見無礙故名

為佛今者近在此住若欲實知當詣佛所尔時長者即詣我所以事問佛佛言長者汝婦懷妊是男無疑福德無比長者歡喜六師心嫉以菴羅果和合毒藥持與長者汝婦臨月可服此藥兒則端正產者無患長者受之與婦令服服已尋死六師歡喜周遍城市唱言沙門瞿曇記彼長者婦當生男今兒未生母已喪命尔時長者陪復於我不生信心即便殞斃棺蓋焚之我見此事欲往摧耶六師遙見佛往各相謂言瞿曇沙門至此冢間欲取肉耶未得法眼者各懷愧懼而白佛言彼婦已死願不須往尔時阿難語諸人言且待須臾如來不久當廣開闡諸佛境界佛到長者所長者難言所言無二兒母已終云何生子我言長者卿於尔時都不見問母命脩短但問所懷為是男女諸佛如來發言無二是故當知定必得子是時死屍火燒腹裂子從中出端坐火中如蓮華臺六師見已謂為幻術

長者見喜呵責六師若言幻者汝何不作我於余時告耆婆汝往火中抱是兒來耆婆前入火聚猶入清涼大河抱是兒還我受兒已告長者言一切衆生壽命不定如水上泡衆生若有重業果報火及毒螫並不能害非我所作是兒生於猛火之中火名樹提因名樹

朱林五十八

提 又賢愚經云余時舍衛國中有一婆羅門字曰師質居家太富無有子息詣六師所問其因緣六師荅言汝相無兒夫婦愁苦往問世尊世尊告曰汝當有兒福德具足長者出家師質聞喜而作是言但使有兒學道何苦因請佛及僧明日舍食是時世尊默然許之明日時到佛與衆僧往詣其家食已還歸路遊一澤泉水清美佛與比丘便往休息時諸比丘各各洗鉢有一獼猴來從阿難來索其鉢阿難恐破不欲與之佛告阿難速與勿憂奉教便與獼猴得鉢持至蜜樹盛蜜滿鉢來奉上佛佛告之曰去中不淨獼猴即時拾

却蜂虫極令淨潔佛便告曰以水和之如語著水和調已竟奉授世尊世尊受已分布與僧咸共飲之皆悉周遍獼猴歡喜騰躍起儼墮大坑中即便命終魂歸受胎於師質家婦便覺身日月已足生一男兒端正少雙當生之時家內器物自然滿蜜師質夫婦喜不自

勝語諸相師祖師占善以初生之日蜜爲瑞應因名蜜勝兒既季大辟父出家得阿羅漢果與諸比丘人間遊化若渴乏時擲鉢空中自然滿蜜衆人共飲感蒙充足阿難白佛有何因緣生獼猴中佛告阿難乃往過去迦葉佛時有年少比丘見他沙門跳度渠水而作

朱林五十八

九

是言彼人飄疾熱似獼猴沙門語云我證四果悉辦年少聞已衣毛皆豎五體接地求哀懺悔由悔過故不墮地獄由形皆羅漢故五百世中恒作獼猴由前出家持禁戒故今得見我沐浴清化得盡諸苦 避機部第四如薩婆多論云瞿曇比丘尼是佛姨母來

見佛時禮已不坐為女人敬難情多是故不坐又不廣為屈說法故不坐又為止誹謗故不坐若坐聽法外道當言瞿曇沙門在王宮時與諸姝女共在一處而今出家與本無異欲滅如是諸譏毀故是以不坐又女人鄙陋多致譏疑是以不坐 又大乘方便經云於時尊者阿難白佛言世尊我今晨朝入舍衛城次第乞食見眾尊王菩薩與一女人同一牀坐阿難說是語已即時大地六種震動眾尊王菩薩於大眾中上昇虛空高一多羅樹語阿難言尊者何有犯罪能住空耶可以此事問於世尊云何罪法云何非法今時阿難憂愁向佛悔過如是大龍我說犯罪我求其過世尊我今悔過唯願聽許佛告阿難汝不應於大乘大士求覓其罪阿難汝諸聲聞人於障處行寂滅定無有留難斷一切結菩薩成就一切智心雖在宮中姝女共相娛樂不起魔事及諸留難而得菩提佛告阿難彼女

人者當於過去五百世中為眾尊王菩薩作婦彼女人本習氣故見生愛著繫縛不捨若眾尊王菩薩能與我共一牀坐者我當令發阿耨菩提心今時菩薩知彼女人心之所念即入其舍尋時思惟如是法門若內地大若外地大是一地大心執女人手共一牀坐即於座上而說偈言
 如來不讚歎 凡夫所行欲 離欲及貪愛
 乃成天人師 時彼女人聞此偈已心大歡喜即從座起向眾尊王菩薩接足敬禮說是偈言
 我不貪愛欲 貪欲佛所呵
 離欲及貪愛 乃成天人師
 說是偈已我先所生惡欲之心今當悔過發菩提心願欲利益一切眾生今時世尊記彼女人於此命終得轉女身當成男子於將來世得成爲佛号無垢煩惱善男子我念過去阿僧祇劫復過是數時有梵志名曰樹提於四十二億歲在空林中常修梵行彼時梵志

朱五十八

過是歲已從林中出入極樂戒見一女人彼時女人見此梵志儀容端嚴即起欲心尋趣梵志以手執之即時躡地今時梵志告女人曰姊何所求女人曰我求梵志梵志言我不行欲女曰若不從我我今當死今時梵志如是思惟此非我法亦非我時我於四十二億

歲修淨梵行云何於今而當毀壞彼時梵志強自頓拙得離七步離七步已生哀愍心如思惟我雖犯戒墮於惡道我能堪忍地獄之苦我今不忍見是女人受此苦惱不令是女以我致死今時梵志還至女所以右手捉作如是言姊起恣汝所欲今時梵志於十二年中共為家室過十二年已尋復出家即還具四無量心具已命終生梵天中今時梵志即我身是彼女人者今瞿夷是我於今時為彼女欲暫起悲心即得超越十百千劫生死之苦 又慧上菩薩經云昔拘樓秦佛時有一比丘名曰無垢處於閑居國界山窟去彼

不遠有五神仙有一女人道遇大雨入比丘窟雨晴出去時五仙人見之各各言曰比丘姦穢無垢聞之即自躡身在于虛空去地四丈九尺諸仙見之飛處空中各曰如吾經典所記染欲塵者則不得飛便五體投地伏首謀橫假使比丘不現神變其五仙人隨大地獄時無垢比丘今慈氏菩薩是也

延聖比丘撰書

法苑珠林卷第五十八

書

呪詛上制教反豐反摩烏甲婕好反上即藥
詰下詐桑故茶炭徒上音絨反古咸反顛蘇來螿音釋
酸素官襲音蕪音五五忽羸反力為反厄汪音蘆
腹上音伏音下反脹知些音躡音躡音跳徒脚
誹音非反捫音門音鬧反教反跳徒脚